

摘藻堂四庫全書薈要

集部

欽定四庫全書薈要卷一萬八千七百八

集部

御定佩文齋詠物詩選卷八十六

江類

五言古

江臯曲

齊

王融

林斷山更續洲盡江復開雲峰帝鄉起水源桐柏來

赴荊州泊三江口

梁

元帝

涉江望行旅金鉦間綵旂水際含天色虹光入浪浮柳

條恒拂岸花氣盡薰舟叢林多故社單戍有危樓疊鼓
隨朱鷺長簫應紫騮蓮舟夾羽斃畫舸覆緹油榜歌殊
未息於此泛安流

奉和晚日揚子江應教

隋
柳 詒

大江都會所長洲有舊名西流控岷蜀東汎邇蓬瀛未
覩纖羅動先聽遠濤聲空濛雲色晦浹疊浪花生欲知
暮雨歇當觀飛旂輕

奉和晚日揚子江應制

柳 詒

詰旦金鑊發驂駕出城闐鮮雲臨葆蓋細草藉斑輪千
里煙霞色四望江山春梅風吹落蕊酒雨減輕塵日斜
歡未畢睿想良非一風生疊浪起霧捲孤帆出挾藻麗
繁星高論光朝日空美鄒枚侶終謝淵雲筆

入郴江

隋 薛道衡

仗節遵嚴會揚舲汭急流征途非白馬水勢類黃牛跳
波鳴石磧濺沫擁沙洲岸迴槎倒轉灘長船却浮緣崖
頻斷挽挂壁屢移鉤還憶青絲騎東方來上頭

荊門浮舟望蜀江

唐李白

春水月峽來浮舟望安極正見桃花流依然錦江色
江色綠且明茫茫與天平逶迤巴山盡搖曳楚雲行
雪照聚沙鴈花飛出谷鷺芳洲却已轉碧樹森森迎
流目浦煙夕揚帆海月生江陵識遙火應到渚宮城

晚次荊江

唐戎昱

孤舟大江水水涉無昏曙雨暗迷津時雲生望鄉處
漁翁閑自樂樵客紛多慮秋色湖上山歸心日邊樹
徒稱

竹箭美未得楓林趣向夕垂釣還吾從落潮去

晚渡揚子江却寄江南親故

唐
權德輿

返照滿寒流輕舟任搖蕩支頤見千里煙景非一狀遠
岫有無中片帆風水上天清去鳥滅浦迥寒沙漲樹晚
疊秋嵐江空翻宿浪胸中千萬慮對此一清曠回首碧
雲深佳人不可望

江色

明
陶安

竹屋晨啓闕江色直飛入空碧壓几案陰陰四壁濕玻

瓊作天地冷然手可挹萬象隨升降元氣動呼吸臨岸
步觀漲石堦沒千級岷巴與湘漢衆水大會集合流東
北去海水亦起立

晚晴江上

明汪廣洋

江上鴨頭綠楚山螺髻青鷓鴣啼不盡花發樹冥冥微
風泛蘭槳落日過松亭勝境思彌愜漁歌隨處聽

七言古

江南弄

唐李賀

江中綠霧起涼波天上疊巘紅嵯峨水風浦雲生老竹
渚暝蒲帆如一幅鱸魚千頭酒百斛酒中倒卧南山綠
吳歆越吟未終曲江上團團帖寒玉

五言律

詠江

唐
李嶠

日夕三江望靈潮萬里迴霞津錦浪動月浦練花開湍
似黃牛去濤從白馬來英靈已傑出誰識卿雲才

夜渡江

唐
姚崇

夜渚帶浮煙蒼茫晦遠天舟輕不覺動纜急始知牽聽
草遙尋岸聞香暗識蓮惟看孤帆影常恐客心懸

自豫章南還江上作

唐
張九齡

歸去南江水磷磷見底清轉逢空闊處聊洗滯留情浦
樹遙如待江鷗近若迎津途別有趣况乃濯吾纓

春江晚景

張九齡

江林多秀發雲日復相鮮征路那逢此春心益渺然興
來祇自得佳處莫能傳薄暮津亭下餘花落客船

渡揚子江

唐 孟浩然

桂楫中流望空波
兩畔明林開揚子驛
山出潤州城海
盡邊陰靜江寒朔
吹生更聞楓葉下
浙瀝度秋聲

泊揚子津

唐 祖詠

纔入維揚郡鄉關
此路遙林藏初過
雨風退欲歸潮江
火明沙岸雲帆礙
浦橋客衣今日薄
寒氣近來饒

長江

唐 杜甫

浩浩終不息乃知東極臨
衆流歸海意萬國奉君心
色

借瀟湘闊聲驅滌潏深未辭添霧雨接上遇衣襟

渡江

杜甫

春江不可渡二月已風濤舟楫敲斜疾魚龍偃卧高渚
花張素錦汀草亂青袍戲問垂綸客悠悠見汝曹

巴水

唐白居易

城下巴江水春來似麴塵軟沙如渭曲斜岸憶天津影
蘸新黃柳香浮小白蘋臨流搔首坐惆悵為何人

新春江次

白居易

浦乾潮未應堤濕凍初消粉片粧梅朶金絲刷柳條鴨
頭新綠水鴈齒小紅橋莫怪珂聲碎春來五馬驕

新安江行

唐章八元

江源南去永野渡暫維艖古戍懸魚網空林露鳥巢雪
晴山脊見沙淺浪痕交自笑無媒者逢人即解嘲

鄭尚書新開涪江

唐賈島

岸鑿青山破江開白浪寒日沈源出海春至草生灘梓
匠防波溢蓬仙畏水乾從今疏決後任雨滯峰巒

其二

不侵南畝務已拔北江流涪水方移岸潯陽有到舟潭
澄初搗藥波動乍垂鉤山可疏三里從知歷億秋

秋日富春江行

唐羅隱

遠岸平如翦澄江靜似鋪紫鱗仙客馭金顙李衡奴冷
疊千山闊清涵萬象殊嚴陵亦高見歸卧是良圖

宿巴江

唐僧栖蟾

江聲五千里瀉碧急於弦不覺日又夜爭教人少年一

汀巫峽月兩岸子規天山影似相伴依依到客船

長蘆江口

宋 梅堯臣

風駕晚潮急浪頭相趁過水歸瓜步小船下秣陵多鷗
舞不停翅燕飛輕貼波今來學楚客薄暮愛漁歌

吳江

宋 王安石

莽莽昔登臨秋風一散襟地留孤嶼小天入五湖深柑
橘無千里魚鰕有萬金吾雖輕范蠡終欲此幽尋

冒雨登擬岷臺觀江漲

宋 陸 游

雨氣分千嶂江聲撼萬家雲翻一天墨浪蹴半空花噴
薄侵靈閣低昂泛斷槎壯游思夙昔乘醉下三巴

泊舟湘岸

元李材

長沙今在眼青草舊知名二月風檣疾三湘雪浪平藤
深帝子廟花發定王城莫議江南岸啼鵲處處聲

入桐江

明徐中行

奔流千折下峭壁兩崖分樵徑衝江雨漁舟宿嶺雲布
帆林杪見水碓月中聞獨有披裘客千秋不可羣

五言排律

江上有懷

唐孫逖

秋水明川路輕舟轉石圻霜多山橘熟寒至浦禽稀飛
席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

歲暮自廣江至新興往復中題峽山寺

唐許渾

密樹分蒼壁長谿抱碧岑山風聞鶴遠潭日見魚深松

蓋環清韻榕根架綠陰洞丁多斲石蠻女半淘金南浦
驚春至西樓送月沈江流不過嶺何處寄歸音

七言律

春江

唐

白居易

炎涼昏曉苦推遷不覺忠州已二年閉閣只聽朝暮鼓
上樓空望往來船鶯聲誘引來花下艸色勾留坐水邊
唯有春江看未厭縈沙遶石綠潺湲

春日遊嘉陵江

唐

劉滄

獨泛扁舟映綠楊嘉陵江水色蒼蒼行看芳草故鄉遠
坐對落花春日長曲岸危檣移渡影暮天栖鳥入山光
今來誰識東歸意把酒閒吟思洛陽

江邊吟

唐李中

風暖汀洲吟興生遠山如畫雨新晴殘陽影裏水東注
芳草煙中人獨行閃閃酒帘招醉客深深綠樹隱啼鶯
盤桓漁舍忘歸去雲靜高空月又明

京口江際弄水

宋徐鉉

退公求靜獨臨川揚子江南二月天百尺翠屏甘露閣
數帆晴日海門船波澄瀨石寒如玉草接汀蘋綠似煙
安得乘槎更東去十洲風外弄潺湲

初出真州泛大江作

宋 歐陽修

孤舟日日去無窮行色蒼茫杳靄中山浦轉帆迷向背
夜江看斗辨西東漉田漸下雲間鴈霜日初丹水上楓
蓴菜鱸魚方有味遠來猶喜及秋風

樊江

宋 陸游

手中一卷養魚經又向樊江上草亭朝雨染成新漲綠
春煙淡盡遠山青榜舟不厭頻來往岸幘常須半醉醒
賦罷新詩自高詠滿汀鷗鷺欲忘形

車駕渡江

明
曾棨

朱旗畫戟擁晴沙錦纜牙樯照眼花佳氣迴浮江北樹
曉光初絢海東霞雲中鸞鳳扶丹轂水底魚龍識翠華
不用臨流羨天塹只今四海盡為家

車駕渡江

明
周忱

柳色臨江輦路長
歲華遙望翠華張
衣冠隔岸催鵷序
舸艦中流列鴈行
魚躍蒼波瞻御座
鳥啼春樹識天香
時巡百度稽虞典
不奏橫汾禮樂章

送童士琦瑞州府判賦得蜀江

明楊慎

瑞州城下蜀江流
風物依然似故丘
祗道靈源千里合
不知仙跡幾年留
分符遠汎星槎去
負弩真如畫錦遊
別後懷人更懷土
煩君時一到滄洲

嘉陵江

楊慎

嘉陵江水向西流，亂石驚灘夜未休。
巖畔蒼藤懸日月，岸邊瑤草記春秋。
版居未變先秦俗，剡水猶疑太古舟。
三十六程知近遠，試憑高處望刀州。

秋江晚望

明
蔡羽

沙頭雲樹鬱依依，晚稻吹香紫蠟肥。
露白秋江鷗一夢，月明寒樹鴈雙歸。
篷窗剪燭孤彈劍，草屋禁風靜掩扉。
滄海十年空短鬢，青山未返薜蘿衣。

七言排律

次韻履仁春江即事

明 文徵明

二月江南黃鳥鳴，春江千里綠波平。
朱甍碧瓦參差去，水荇蘭苕次第生。
風外鞦韆何處笑，日斜鐘鼓隔花晴。
洞庭煙靄孤舟遠，茂苑芳菲萬井明。
唱斷竹枝空復恨，流連芳草不勝情。
何時載酒橫塘去，共聽吳娃打槳聲。

長江萬里圖

明 楊慎

五才坎德迴靈長，萬里岷山始濫觴。
流漢天迴經灩澦，

盤渦谷轉下柴桑揚瀾左蠡層潭府大壑歸虛廣莫鄉
天遣陽侯分淼淼帝咨神禹畫茫茫青岑翠觀鮫人館
水碧金膏龍伯堂景浴陽烏朝旭早燄燃陰火夜霞光
煙寒星散三洲樹風軟雲飛百尺檣鶴子鳬雛喧澍雨
紋螺錦蚌映翔陽籠筒津鼓驚浮客欸乃漁歌屬報郎
泗磬石鐘鏘島嶼輕連頻彩媚滄浪投鞭堪笑符堅策
靜練難賡謝朓章彩鷁退飛休借問白鷗浩蕩信徜徉

五言絕句

宿建德江

唐 孟浩然

移舟泊煙渚日暮客愁新
野曠天低樹江清月近人

春江曲

唐 張仲素

搖漾越江春相將采白蘋
歸時不覺夜出浦月隨人

其二

家寄征河岸征人幾歲遊
不知潮水信每日到沙頭

江行

唐 柳中庸

繁陰乍隱洲落葉初飛浦
蕭蕭楚客帆暮入寒江雨

江上

唐 顧况

江清白鳥斜蕩漿
宵蘋花聽唱菱歌
晚迴塘月照沙

泛瑞安江風濤貼然

宋 陸游

俯仰兩青空
舟行明鏡中
蓬萊定不遠
正要一颿風

長江萬里圖

元 丁鶴年

長嘯還江國
遲回別海鄉
春潮如有意
相送過潯陽

其二

長江千萬里
何處是儂鄉
忽見晴川樹
依稀認漢陽

七言絕句

渡浙江

唐
盧綸

前船後船未相及五兩頭平北風急飛沙捲地日色昏
一半征帆浪花濕

晴江秋望

唐
崔季卿

八月長江萬里晴千帆一道帶風輕盡日不分天水色
洞庭南是岳陽城

建昌江

唐
白居易

建昌江水縣門前立馬教人喚渡船
忽似往年歸蔡渡
草風沙雨渭河邊

暮江吟

白居易

一道殘陽鋪水中
半江瑟瑟半江紅
可憐九月初三夜
露似真珠月似弓

嘉陵江

唐元稹

秦人唯識秦中水
長想吳江與蜀江
今日嘉川驛樓下
可憐如練遶明窓

其二

千里嘉陵江水聲
何年重遶此江行
只應添得清宵夢
時見滿江流月明

望喜驛別嘉陵江水二絕

唐李商隱

嘉陵江水此東流
望喜樓中憶閬州
若到閬州還赴海
閬州應更有高樓

其二

千里嘉陵江水色
含煙帶月碧于藍
今朝相送東流後

猶自驅車更向南

江東

李商隱

驚魚潑刺燕翩翾
獨自江東上釣船
今日春光太飄蕩
謝家輕絮沈郎錢

江上偶見絕句

唐杜牧

楚鄉寒食橘花時
野渡臨風駐綵旗
草色連雲人去住
水紋如縠燕差池

泛楚江

唐崔塗

九重城外家書遠
百里洲前客棹還
金印碧幢如見問
一生安穩是長閒

嘉陵江

唐
薛逢

借問嘉陵江水湄
百川東去爾西之
但教清淺源流在
得路朝宗會有期

江行西望

唐
韋莊

西望長安白日遙
半年無事駐蘭橈
欲將張翰秋江雨
畫作屏風寄鮑昭

泛吳淞江

宋 王禹偁

葦篷疎薄漏斜陽
半日孤吟未過江
唯有鷺鷥知我意
時時翹足對船窓

秋江寫望

宋 林逋

蒼茫沙觜路鷺鷥
眠片水無痕浸碧天
最愛蘆花經雨後
一篷煙火飯魚船

二月一日曉渡太和江

宋 楊萬里

綠楊接葉杏交花
嫩水新生尚露沙
過了春江偶回首

隔江一岸好人家

曹娥江

元韓性

隔岸檣竿著暮鴉
待舟人立渡頭沙
數拳寒石生雲氣
一半斜陽有浪花

江上

元黃庚

江上支筇眼界寬
夕陽影裏水雲寒
憑誰說與閒鷗鷺
借我魚磯把釣竿

題秋江圖

元倪瓚

長江秋色渺無邊
鴻雁來時水拍天
七十二灣明月夜
荻花楓葉覆漁船

江上

明
陳憲章

水遠煙濃白鳥低
數峰青鎖夕陽西
隔波莫是仙源否
恰到波心路已迷

御定佩文齋詠物詩選卷八十六

欽定四庫全書薈要卷一萬八千七百九

集部

御定佩文齋詠物詩選卷八十七

曲江類

五言古

同諸公秋霽曲江俯見南山

唐

儲光羲

天靜終南高俯映江水明有若蓬萊下淺深見澄瀛羣
峰懸中流石壁如瑤瓊魚龍卧蒼翠鳥獸遊清泠孤蒲
林下秋薜荔波中輕山靈浴蘭沚水若居雲屏嵐氣浮

渚宮孤光隨曜靈陰陰豫章館宛宛百花亭大君及羣
臣宴樂方嚶鳴吾黨二三子蕭辰怡性情逍遙滄海時
乃在長安城

曲江春霽

唐
劉駕

宿雨洗秦樹舊花如新開池邊艸未乾日照人馬來馬
蹄踏流水漸漸成塵埃鴛鴦不敢下飛遶岸東西此地
喧仍舊歸人亦滿街

七言古

和錢員外答盧員外早春獨遊曲江見寄長句

唐
白居易

春來有色闌融融先到詩情酒思中
柳岸霏微裊塵雨杏園淡蕩開花風
聞君獨遊心鬱鬱薄晚新晴騎馬出
醉思詩侶有同年春歎翰林無暇日
雲夫首唱寒玉音蔚章繼和春搜吟
此時我亦閉門坐一日風流三處心

五言律

奉和聖製賜史供奉曲江宴應制

唐
王維

侍從有鄒枚瓊筵向水開
言陪柏梁宴新下建章來對
酒山河滿移舟草樹迴天文
同麗日駐景惜行杯

酬白二十二舍人早春曲江見寄

唐
張籍

曲江水欲盡風日已恬和
柳色看猶淺泉聲覺漸多
紫蒲生濕岸青鴨戲晴波
仙掖高情客相招共一過

曲江

唐
鄭谷

細草岸西東酒旗搖水風樓臺在煙杪鷗鷺下沙中翠
幄晴相接芳洲夜暫空何人賞秋景興與此時同

曲江作

唐
韋莊

細雨曲池濱青袍草色新詠詩行信馬載酒喜逢人性
為無機率家因守道貧若無詩自遣誰奈寂寥春

曲江暮春雪霽

唐
曹松

霽動江池色春殘一去遊孤風生馬足槐雪滴人頭北
闕塵未起南山清欲流如何多別地却得醉汀洲

秋日曲江書事

唐李洞

門搖枯葦影落日共鷗歸園近鹿來熟江寒人到稀
片雲穿塔過枯葉入城飛翻怕賓鴻至無才勤禮闈

曲江秋望

金師 柘

山遠嶂重出野平天四圍涼風芡實圻久雨藕花肥水
闊漁舟小天長去鳥微紫蒲行處有采采莫盈衣

五言排律

早春獨遊曲江

唐白居易

散職無羈束羸驂少送迎朝從直城出春傍曲江行風
起池東暖雲開山北晴冰銷泉脈動雪盡草芽生露杏
紅初拆煙楊綠未成影遲新度鴈聲澀欲啼鶯閑地心
俱靜韶光眼共明酒狂憐性逸藥効喜身輕慵慢疎人
事幽棲遂野情迴看雲閣笑不似有浮名

七言律

曲江

唐
杜甫

城上春雲覆苑牆江亭晚色靜年芳林花著雨燕支濕

水荇牽風翠帶長
龍武新軍深駐輦
芙蓉別殿謾焚香
何時詔此金錢會
暫醉佳人錦瑟傍

及第後宴曲江

唐 劉 滄

及第新春選勝遊
杏園初宴曲江頭
紫毫粉壁題仙籍
柳色簫聲拂御樓
霽景露光明遠岸
晚空山翠墜芳洲
歸時不省花間醉
綺陌香車似水流

曲江

唐 章 碣

日照香塵逐馬蹄
風吹浪濺幾迴隄
無窮羅綺填花徑

大半笙歌占麥畦
落絮却籠他樹白
嬌鶯更學別禽啼
祇緣頻宴蓬洲客
引得遊人去似迷

曲江

唐
李山甫

南山低對紫雲樓
翠影紅陰瑞氣浮
一種是春長富貴
大都為水也風流
爭攀柳帶千千手
閒插花枝萬萬頭
獨向江邊最惆悵
滿衣塵土避王侯

曲江春望

唐
羅鄴

故國東歸澤國遙
曲江晴望憶漁樵
都緣北闕春先到

不是南山雪易消
瑞景玉樓開組繡
歡聲丹禁奏雲韶
雖然未得陪鵷鷺
亦酌金觴祝帝堯

七言絕句

曲江春望

唐
盧綸

菖蒲翻葉柳交枝
暗上蓮舟鳥不知
更到無花最深處
玉樓金殿影參差

其二

翠黛紅粧畫鷁中
共驚雲色帶微風
簫管曲長吹未盡

花南水北雨濛濛

其三

泉聲遍野入芳洲
擁沫吹花上碧流
二月行人漸無路
巢蜂乳燕滿高樓

同張水部籍春遊曲江寄白二十二舍人

唐
韓愈

漠漠輕陰晚自開
青春白日映樓臺
曲江水滿花千樹
有底忙時不肯來

酬韓侍郎張博士雨後曲江見寄

唐白居易

小園新種紅櫻樹，閑遶花行便當遊。
何必更隨鞍馬隊，衝泥蹋雨曲江頭。

曲江獨行

白居易

獨來獨去何人識，厩馬朝衣野客心。
閑愛無風水邊坐，楊花不動樹陰陰。

曲江池上

唐雍裕之

殷勤春在曲江頭
全藉羣仙占勝遊
何必三山待鸞鶴
年年此地是瀛州

春遊

唐王涯

曲江綠柳變煙條
寒谷冰隨煖氣消
纔見春光生綺陌
已聞清樂動雲韶

春日遊曲江

唐張喬

暖鴛鴦拍浪春
蒹葭浦際聚青蘋
若論來往鄉心切
須是煙波島上人

曲江春草

唐鄭谷

花落江隄簇晚煙
雨餘江色遠相連
香輪莫輟青青破
留與遊人一醉眠

御定佩文齋詠物詩選卷八十七

欽定四庫全書薈要卷一萬八千七百十

集部

御定佩文齋詠物詩選卷八十八

淮水類

五言古

奉和出潁至淮應令

隋
諸葛穎

涉潁倦紆迴浮淮欣迴直遙邨含水氣遠浦澄天色靈
濤稍欲近仙巖行可識元覽屬睂辭風雲有餘力

奉和出潁至淮應令

隋
蔡允恭

久倦川涂曲忽此望淮圻波長泛淼淼眇迴情依依稍
覺金烏轉漸見錦颿稀欲知仁化洽謳歌滿路歸

奉和出潁至淮應令

隋

弘執恭

睿情欣逸賞臨泛入淮淝棹歌喧岸度颿影出雲飛清
流含日彩犇浪蕩霞暉還如漳水曲鳴笳啟路歸

奉和出潁至淮應令

隋

虞世南

良晨喜利涉解纜入淮潯寒流泛鷁首霜吹響清吟潛
鱗波裏躍水鳥浪前沈邅溝非復遠悵望悅宸襟

渡淮

劉子翬

鳴輦渡長淮，霏煙散清晨。
皎皎初日光，照耀草木新。
橫林度餘碧，疊嶂開嶙峋。
移撓失向背，煙波浩無垠。
兒童發擢歌，余心亦欣欣。
輕帆互相踰，畫鷁映流津。
徘徊望洲渚，悠然獨懷人。
樵漁有棲遯，寂寞誰問鄰。
暮風翻洪濤，魚蝦亦有神。
四顧天地黑，孤舟恐漂淪。

五言律

淮上秋夜

唐

劉方平

旅夢何時盡征途望每賒晚秋淮水上新月楚人家猿
嘯空山近鴻飛極浦斜明朝南岸去定折桂枝花

五言排律

和杜學士旅次淮口阻風

唐李嶠

夕吹生寒浦清淮上暝潮迎風欲舉棹觸浪反停橈
淼漫煙波闊參差林岸遙日沈丹氣斂天敞白雲銷
水鴈銜蘆葉沙鳥隱荻苗客行殊未已川路幾迢迢

五言絕句

問淮水

唐白居易

自嗟名利客擾擾在人間何事長淮水東流亦不閑

望淮

元王惲

朝日慘無色昏昏水氣間到淮猶數里隔岸見尖山

七言絕句

渡淮

唐武元衡

暮濤凝雪長淮水細雨飛梅五月天行子不須愁夜泊
綠楊多處有人煙

渡淮即事

元薩都拉

楊花點點衝帆過
燕子雙雙掠水飛
淮上漁人間不得
船頭對結綠蓑衣

御定佩文齋詠物詩選卷八十八

欽定四庫全書薈要卷一萬八千七百十一

集部

御定佩文齋詠物詩選卷八十九

河類

四言古

河銘

漢

李尤

洋洋河水赴宗于海經自中州龍圖所在昔周諸侯會
於孟津魚入王舟乃往尅殷大漢承緒懷附遐鄰邦事
來濟各貢厥珍

河清頌

宋張暢

渾渾洪河家國之濱襟帶晉衛領袖齊秦龍門誕溜積
石傳津乘運能有經啟天人化流上帝時表初星飛書
曝瑞龍圖照神協靈既偉通氣載榮

五言古

奉和濟黃河應教

北齊蕭慤

大蕃連帝室驂駕奉皇猷未明驅羽騎凌晨方畫舟津
城度維錦岸柳夾緹油鐘聲揚別島旗影照滄流早光

生劒服朝風起節樓滔滔細波動
齋齋輕舫浮回撓避近磧放舳下
前洲全疑上天漢不異謁蓬丘望
知雲氣合聽識水聲秋從君何等
樂喜從神仙遊

夜到洛口入黃河

唐 諸光義

河洲多青草朝暮增客愁客愁惜
朝暮枉渚暫停舟中宵大川靜解
纜逐歸流浦溆既清曠汭洄非阻
脩登艫望落月擊汰悲新秋倘遇
乘槎客永言星漢遊

同敬八盧五汎河間清河

唐 高適

清川在城下沿汎多所宜同濟愜數公翫物欣良時飄
飄波上興燕婉舟中詞昔涉乃平原今來忽連漪東流
達滄海西流延滹沱雲樹共晦明井邑相逶迤稍隨歸
月帆若與沙鷗期漁父更留我前潭水未滋

黃河

宋 梅堯臣

積石導淵源云云瀉崑閬龍門自吞險鯨海終涵量怒
狀生萬渦驚流非一狀淺深殊可測激射無時壯常苦
事隄防何曾息波浪川氣迷遠山沙痕落秋漲槎沫夜

浮光舟人朝發唱洪望畫鷁連古戍蒼崖向浴鳥不知
清夕陽空在望誰當大雪天走馬堅冰上

七言古

河復

宋蘇軾

君不見西漢元光元封間河決瓠子二十年鉅野東傾
淮泗滿楚人恣食黃河鱸萬里沙回封禪罷初遣越巫
沈白馬河公未許人力窮薪芻萬計隨流下吾君仁聖
如帝堯百神受職河神驕帝遣風師下約束北流夜起

澶州橋東風吹凍收微淥神功不用淇園竹楚人種麥
滿河淤仰看浮槎棲古木

五言律

河流

唐
徐夔

洪流盤砥柱淮濟不同波莫訝清時少都緣曲處多遠
能通玉塞高復接銀河大禹成門嶮為龍始得過

清河

元
貢奎

谿碧石生處山青雲起時藕花紅映岸藤蔓翠牽籬落

日漁家網微風酒市旗順流船漸急翻覺去心遲

清河水漲答復中吉監縣水字詩

元
張翥

潏泱清河漲湍流滋浸淫滄溟渾灌注濁浪浩浮沈洲
渚津涯闊泥沙沮如深沿淮澤鴻滿漂蕩渡江潯

潞河晚泊

明
屠隆

迴浦落帆盡長堤帶郭斜暮煙平吐樹春雨薄沈沙白
艇藏漁市黃茅覆酒家一瓢雲水外不復問年華

夏日遊通惠河

明徐階

頗憶三江遠乘流意若何
水深秋氣入竹密雨聲多
熟果當尊落驚禽拂棹過
柳陰催繫纜敲枕聽漁歌

五言排律

黃河

唐太宗

何處發崑崙連乾復浸坤
波渾經鴈塞聲振自龍門
岸裂新衝勢灘餘舊落痕
橫溝通海上遠色盡山根
勇逗山峰折雄標四瀆尊
灣中秋景樹閣外夕陽邨
沫亂知

魚响槎來見鳥蹲飛沙當白日凝露接黃昏潤可資農
畝清能表帝恩雨吟堪極目風渡想驚魂顯瑞龜曾出
陰靈伯固存盤渦寒漸急淺瀨暑微溫九曲終柔勝常
流可暗吞人間無博望誰復到窮源

送襄陽盧判官奏開河事

唐錢起

千里趨魏闕一言簡聖聰河流引關外國用贍秦中有
詔許其策隨山興此功連雲積石阻計日安波通飛棹
轉年穀利人勝歲豐言歸漢陽路拜首蓬萊宮紫殿賜

衣出青門酣酌同晚陽過微雨秋水見新鴻坐惜去車
遠愁看離館空因思郢川守南楚滿清風

七言律

自鞏維舟行入黃河即事寄府縣僚友

唐
韋應物

綠水蒼山路向東東南山豁大河通寒樹依微遠天外
夕陽明滅亂流中孤邨幾歲臨伊岸一鴈初晴下朔風
為報維橋遊宦侶扁舟不繫與心同

黃河

唐羅隱

莫把阿膠向此傾此中天意固難明解通銀漢應須曲
纔出崑崙便不清高祖誓功衣帶小仙人占斗客槎輕
三千年後知誰在何必勞君報太平

次韻陳子仁黃河

元楊載

禹功疏鑿過憂勤海內山川自此分元氣渾淪通地脈
孤光迢遞貫天文母金伏礫秋逾盛陰火藏淵夜不焚
多少魚龍爭變化總歸西北會風雲

登徐州城上黃樓北望河流作

元柳貫

高樓背水壓奔衝影動雲虹落水中土色從黃宜制勝
河聲觸險聽分洪却思沈璧千年日欲問乘槎八月風
汴泗交流平似席南行北播本同功

到廣黃河

元蔡珪

清漳節物似清江不復尊鱸夢故鄉歷下果能留太白
鏡湖端是屬知章身隨客路常岑寂心與沙鷗共渺茫

尚困馬蹄三百里小舟聊與過滄浪

御定佩文齋詠物詩選卷八十九

欽定四庫全書薈要卷一萬八千七百十二

集部

御定佩文齋詠物詩選卷九十

漢水類

五言古

玩漢水

梁

簡文帝

雜色崑崙水泓澄隴首渠
豈若茲川麗清流疾且徐
離離細磧淨藹藹樹陰疎
石衣隨溜卷水芝扶浪舒
連翩瀉去櫟鏡澈倒遙墟
聊持點纓上於是察川魚

初春漢水漾舟

唐 孟浩然

漾舟逗何處，神女漢皋曲。
雪消水復開，春潭千丈綠。
輕舟恣往來，探翫無厭足。
波影搖妓釵，沙光逐人目。
傾杯魚鳥醉，聯句鶯花續。
良會難再逢，日入須秉燭。

五言律

與鮮于庶子泛漢江

唐 岑 參

急管更須吹，杯行莫遣遲。
酒光紅琥珀，江色碧瑠璃。
日影浮歸棹，蘆花罨釣絲。
山公醉不醉，問取葛彊知。

漢江臨汎

唐王維

楚塞三湘接荆門九派通江流天地外山色有無中郡
邑浮前浦波瀾動遠空襄陽好風日留醉與山翁

漢陽即事

唐儲光義

楚國千里遠孰知方寸違春遊歡有客夕寢賦無衣江
水帶冰綠桃花隨雨飛九歌有深意捐珮乃言歸

五言排律

渡漢江

唐李百藥

東流既瀾瀾南紀信滔滔水急沈碑岸波駭弄珠臯含
星映殘石浮蓋下奔濤溜闊霞光近川長曉氣高檣烏
轉輕翼戲鳥落風毛客心既多緒長歌且代勞

御定佩文齋詠物詩選卷九十

欽定四庫全書薈要卷一萬八千七百十三

集部

御定佩文齋詠物詩選卷九十一

洛水類

四言古

洛水銘

漢

李尤

洛出熊耳東流會集夏禹導疏經於洛邑元龜赤字漢
符是立帝都通路建國南鄉萬乘終濟造舟為梁三都
五州貢篚萬方廣視遠聽審任賢良元首昭明庶物是

康

五言律

渡洛水

唐太宗

春蒐馳駿骨總轡俯長河
霞處流縈錦風前漾卷羅
水花翻照樹堤蘭倒插波
豈必汾陰曲秋雲發棹歌

詠洛

唐李嶠

九洛韶光媚三川物候新
花明丹鳳浦日映玉雞津
元禮期仙客陳王覩麗人
神龜方錫瑞綠字佇來臻

奉和進船洛水應制

唐 薛稷

禁園紆睿覽仙棹叶宸遊
洛北風花樹江南彩畫舟
榮生蘭蕙草春入鳳凰樓
興盡離宮暮煙光起夕流

歸渡洛水

唐 皇甫冉

暝色赴春愁歸人南渡頭
渚煙空翠合灘月碎光流
澧浦饒芳草滄浪有釣舟
誰知放歌客此意正悠悠

五言排律

奉和受圖溫洛應制

唐 李嶠


七萃鑾輿動千年瑞檢開文如龜負出圖似鳳銜來殷
薦三神享明禋萬國陪周旂黃鳥集漢幄紫雲迴日暮
鈎陳轉清歌上帝臺

奉和受圖溫洛應制

唐牛鳳及

承玉輦六羽警瑤谿戒道伊川北通津澗水西御
圖開寶匱刻石與天齊瑞日波中上仙禽霧裏低微臣
矯弱翮抃舞接鸞鷟

御定佩文齋詠物詩選卷九十一



總校官庶吉士臣侍朝

校對官中書臣王瑣

謄錄監生臣史映綵

欽定四庫全書薈要

集部

御定詠物詩選卷九十五

二五

詳校官原任主事臣李斯咏



欽定四庫全書舊要卷一萬八千七百十四

集部

御定佩文齋詠物詩選卷九十二

湘水類

五言古

湘江舟中

明薛瑄

湛湛湘水綠夾岸叢篁多
挽舟逆水上南風起微波
嘉此晴宵景逍遙翫江沱
沙渚曠緬邈雲岫紛嵯峨
遠目為舒暢客意將如何
濯纓吾所愛聊為扣舷歌



五言律

使還湘水

唐張九齡

歸舟宛何處正值楚江平
夕逗煙邨宿朝緣浦樹行
于役已彌歲言旋今愜情
鄉郊尚千里流目夏雲生

自湘水南行

張九齡

落日催行舫逶迤洲渚間
雖云有物役棄此更休閒
暝色生前浦清暉發近山
中流澹容與唯愛鳥飛還

夜渡湘水

唐孟浩然

客舟貪利涉，暗裏渡湘川。
露氣聞芳杜，歌聲識采蓮。
榜人投岸火，漁子宿潭煙。
行侶時相問，潯陽何處邊。

夜入湘中

唐馬戴

洞庭人夜到，孤棹入湘中。
露洗寒山遍，波搖楚月空。
密林飛暗狖，廣澤發鳴鴻。
行抵揚帆渚，江分又不同。

七言律

冬末同友人泛瀟湘

唐杜荀鶴

殘臘泛舟何處好，最多吟興是瀟湘。
就船買得魚偏美，

踏雪沽來酒倍香
猿到夜深啼嶽麓
鴈知春近別衡陽
與君剽採江山景
裁取新詩入帝鄉

五言絕句

泊湘口

唐戴叔倫

湘山千嶺樹
桂水九秋波
露重猿聲絕
風清月色多

御定佩文齋詠物詩選卷九十二

欽定四庫全書薈要卷一萬八千七百十五

集部

御定佩文齋詠物詩選卷九十三

湖類

五言古

車駕幸京口三月三日侍遊曲阿後湖作

宋
顏延之

虞風載帝狩夏諺頌王遊春方動宸駕望幸傾五州山
祇蹕嶠路水若警滄流神御出瑤軫天儀降藻舟萬軸

肅行衛十翼汎飛浮彤雲麗璇蓋祥飈被綵旂江南進
荆艷河激獻趙謳金練照海浦笳鼓震溟洲藐眄靚青
崖衍漾觀綠疇民靈騫都野鱗翰聳淵丘德禮既普洽
川嶽徧懷柔

南湖

梁簡文帝

南湖荇葉浮復有佳期遊銀綸翡翠鈎玉軸芙蓉舟荷
香亂衣麝撓聲隨急流

治西湖

梁范雲

史氏導漳水西門溉河潮圖始未能悅克終良可要擁
鍾勸年首提爵勞春朝平臯草色嫩通林鳥聲嬌已集
故池驚行蒔新田苗何吁畚築苦方歡魚稻饒

渡青草湖

陳陰鏗

洞庭春溜滿平湖錦帆張沅水桃花色湘流杜若香穴
去茅山近江連巫峽長帶天澄迴碧映日動浮光行舟
逗遠樹度鳥息危檣滔滔不可測一葦詎能航

秋日侍宴婁苑湖應詔

陳江總

翠渚還鑾輅瑤池命羽觴千門響雲蹕四澤動榮光玉
軸昆池浪金舟太液張虹旗照島嶼鳳蓋繞林塘野靜
重陰闊淮秋水氣涼霧開樓闕近日迴煙波長洛宴諒
斯在鎬飲詎能方朽劣叨榮遇簪笏奉周行

彭蠡湖上

唐張九齡

沿涉經太湖湖流多洄決凌晨趨北渚逕浦已西日所
適雖淹曠中流且閒逸瑰詭良復多感見乃非一廬山
直陽許孤石當陰術一水雲際飛數峯湖心出象類何

交紉形言豈深悉且知皆自然高下無相恤

過彭蠡湖

唐李白

謝公入彭蠡因此遊松門予方窺石鏡兼得窮江源前
賞迹可見後來道空存而欲繼風雅豈惟清心魂雲海
方助興波濤何足論青嶂憶遙月綠蘿鳴愁猿水碧或
可採金膏秘莫言予將振衣去羽化出囂煩

下潯陽城泛彭蠡寄黃判官 李白

浪動灌嬰井潯陽江上風開帆入天鏡直向彭湖東返

景照疎雨晴雲散遠空
名山發佳興清賞亦何窮
石鏡挂遙月香爐滅彩虹
相思俱對此舉目與君同

與賈至舍人於龍興寺剪落梧桐枝望瀍湖

李白

剪落梧桐枝瀍湖坐可窺
雨洗秋山淨林光澹碧滋
水閒明鏡轉雲繞畫屏移
千古風流事名賢共此時

宿鰕湖

李白

雞鳴發黃山暝投鰕湖宿
白雨映寒山森森似銀竹
提

攜採鉛客結荷水邊沐半夜四天開星河爛人目明晨
大樓去岡隴多屈伏當與持斧翁前谿伐雲木

石魚湖上作

唐元結

吾愛石魚湖石魚在湖裏魚背有酒樽繞魚是湖水兒
童作小舫載酒勝一杯座中令酒舫空去復滿來湖岸
多歌石石下流寒泉醉中一盃漱快意無比焉金玉吾
不須軒冕吾不愛且欲坐湖畔石魚長相對

初入太湖

唐陸龜蒙

東南具區雄天水合為一高帆大弓滿羿射爭箭疾時
當暑雨後氣象仍鬱密乍如開雕笈聳翅忽飛出行將
十洲近坐覺八極溢耳目駭鴻濛精神寒信粟坑來斗
呀豁湧處驚嵯岈嶮異拔龍湫喧如破蛟室斯須風安
帖若受命平秩微茫識端倪遠嶠疑格筆巉巖見銅闕
左右皆輔弼盤空儼相趨去勢猶橫逸嘗聞咸池氣下
注作清質至今涵赤霄尚且浴白日又云構浮玉宛與
崑閬匹肅為靈官家此事難致詰纔迎沙嶼好指顧俄

已失山川互蔽虧
魚鳥空聲軋何當授真檢得召天吳
術一一問朝宗方應可譚悉

初入太湖

唐皮日休

聞有太湖名十年未曾識今朝得遊泛
大笑稱平昔一舍行胥塘盡日到震澤
三萬六千頃頃頃玻璃色連空淡無類
照野平絕隙好放青翰舟堪弄白玉笛
疎岑七十二雙雙露矛戟悠然嘯傲去
天上搖畫鷁西風乍獵獵獵驚波罨涵
碧倏忽雷陣吼須臾玉崖折樹動為蜃
尾

山浮似鰲脊落照射鴻溶清輝蕩拋擲雲輕似可染霞
爛如堪摘漸暝無處泊挽汎從所適枕下聞彭汭肌上
生瘳瘵討異足遭迴尋幽多阻隔願風與良便吹入神
仙宅甘將一蘊書永事嵩山伯

翠簾山天湖

明林鴻

翠簾高凌天峰麓曠且平何年此蟠龍遂成秋水泓呼
吸納元氣溟濛變陰晴雲雷地中起日月波上生上有
空僧巢巖栖煉神形寥寥水月觀洞見心胷明我昔凌

天梯恍若登赤城浮杯動松影發笑回天聲從茲便高
舉永極雲霞情

太湖

明賀承

太湖何茫茫一望渺無極但見青蓮花嵯峨水中立仙
人雙髻丫弄影鏡光碧皎皎山月高船頭幾聲笛

七言古

雪中遊西湖

宋蘇軾

詞源灩灩波頭展清唱一聲巖谷滿未容雪積句先高

豈獨湖開心自遠
雲山已作歌眉淺
山下碧流清似眼
尊前侑酒只新詩
何異書魚餐蠹簡

七月三日至鄱陽湖

宋王十朋

吾來鄱君山水州
山水入眼常遲留
絕境遙通雲錦洞
安仁縣有絕清音
下瞰琵琶洲
餘干縣有清音堂
琵琶洲於越亭前

晚風起湖入鄱陽
三百里曉來一雨洗
新秋身在江東

畫圖裏

五言律

和尹懋秋夜遊澣湖

唐張說

澣湖佳可遊，既近復能幽。
林裏棲精舍，山間轉去舟。
鴈飛江月冷，猿嘯野風秋。
不是迷鄉客，尋竒處處留。

和尹懋秋夜遊澣湖

唐趙冬曦

政理常多暇，方舟此汴回。
吹笙虛洞答，舉楫便風催。
山暗雲猶辨，潭幽月稍來。
清谿無數曲，未盡莫先迴。

臨洞庭

唐孟浩然

八月湖水平，涵虛混太清。
氣蒸雲夢澤，波撼岳陽城。
欲

濟無舟楫端居恥聖明坐觀垂釣者徒有羨魚情

秋夜遊澧湖

唐張均

遠水沈西日寒沙聚夜鷗平湖乘月滿飛棹接星流黃
葉鳴淒吹蒼葭掃暗洲願移滄浦賞歸待潁川遊

過洞庭湖

唐杜甫

鮫室圍青草龍堆隱白沙護堤盤古木迎棹舞神鴉破
浪南風正迴檣畏日斜湖光與天遠直欲犯仙槎

宿青草湖

杜甫

洞庭猶在目青草續為名宿槩依農事郵籤報水程寒
冰爭倚薄雲月遞微明湖鴈雙雙起人來故北征

題房公瑄漢州西湖

唐嚴公貺

鳳池才未盡餘思鑿西湖珍木羅修岸冰光映坐隅琴
臺今寂寞竹島尚縈紆猶蘊濟川志芳名終不渝

題沂湖

唐許棠

偶得湖中趣都忘隴坻愁邊聲風下鴈楚思浪移舟靜
極亭連寺涼多島近樓吟遊終不厭還似曲江頭

過洞庭湖

許棠

驚波常不定半日鬢堪斑
四顧疑無地中流忽有山
鳥飛應畏墮帆遠却如閒
漁父時相引行歌浩渺間

賦洞庭

唐僧可朋

周極八百里凝眸望則勞
水涵天影闊山拔地形高
賈客停非久漁翁轉幾遭
颯然風起處又是鼓波濤

西湖閒望

宋梅堯臣

夏景已多趣湖邊日更佳
園葵雜紅紫岸柳自欹斜
雨

氣收林表城陰接水涯
愛閒輸白鳥盡日立汀沙

寒食遊南湖

宋蘇轍

繞郭春水滿被堤新柳黃
官池無禁約野艇得飛揚
浪泛歌聲遠花浮酒氣香
晚風歸棹急細雨濕紅粧

鑑湖夜泛

宋李覲

明月到尊前拏舟古岸邊
亂山斜入霧遠水倒垂天
酒氣熏龍戲歌聲弄鶴眠
迴頭嗤李郭此外更無仙

春日遊西湖

宋王十朋

山色綠如染湖光青似磨峰高捧日久波闊浸天多瑞
氣浮城闕春光醉綺羅能將比西子妙句有東坡

西湖夜泛

明
吳鼎芳

疎雨洗空翠來看湖上山斷橋芳草外小艇白鷗間月
在美人遠春忙流水閒西陵猶喚酒燈影出花闌

西湖曉起

吳鼎芳

殘鐘湖上月杳杳落層岑曉色散為水秋聲聚作林閒
來曾不慣幽處每相尋叢桂南山下晴香一徑深

汎石湖同篠園居士

吳鼎芳

放棹秋光遠殘陽湖水西
樹團魚戶小山截寺門低野
渡一僧立汀花數鳥啼且沽橋外酒同宿越來谿

西湖春遊

明盛鳴世

晴光上柳條結伴戲花朝
歌近舟沿岸人開馬度橋
雷峰看塔迴葛嶺弄泉遙
日暮爭門入衣香滿路飄

彭蠡湖

明徐禎卿

茫茫彭蠡口隱隱鄱陽岑
地涌三辰動江連九派深
揚

舫武昌客發興豫章吟不見垂綸叟煙波空我心

橫湖

明程本立

橫湖如匹練風景此中稀日暖赤鱗躍天晴白鳥飛寒
松蟠石岸春水沒苔磯幾度斜陽晚漁舟渡口歸

湖興

明皇甫湊

客路浮清濟西風引汶川巖容搖浦岸水色淨湖煙旅
鴈青山外殘虹綠樹邊滄浪棹謳發待枕月華眠

湖上

明李奎

錦帳開桃岸蘭橈繫柳津
鳥歌如勸酒花笑欲留人
鐘磬千山夕樓臺十里春
回看香霧裏羅綺六橋新

五言排律

別澨湖

唐張說

念別澨湖去浮舟更一臨
千峰出浪險萬木抱煙深
南郡延恩渥東山戀宿心
露花香欲醉時鳥轉餘音
涉趣皆留賞無奇不遍尋
莫言山水間幽意在鳴琴

和燕公別澨湖

唐趙冬曦

南湖美泉石君子玩幽竒
灣澳陪臨泛巖岵共踐窺
秋風蘋桂竦春景綠楊垂
郢客委分竹湘濱擁去麾
枉帆懷勝賞留景惜差池
水木且不棄情遊良可知

自樂城赴永嘉枉路汎白湖寄松陽李少府

唐張子容

西行礙淺石北轉入谿橋
樹色煙輕重湖光風動搖
百花亂飛雪萬嶺疊青霄
猿挂臨潭篠鷗迎出浦橈
惟應賞心客茲路不言遙

與崔二十一遊鏡湖寄包賀二公

唐
孟浩然

試覽鏡湖水中流見底清不知鱸魚味但識鷗鳥情
帆得樵風送春逢穀雨晴將探禹穴稍背越王城府掾
有包子文章推賀生滄浪醉後唱因此寄同聲

三月五日陪裴大夫泛長沙東湖

唐
崔護

上巳餘風景芳辰集遠坰綵舟浮浩蕩繡轂下娉婷林

樹迴蔥蒨笙歌入杳冥湖光迷翡翠草色醉蜻蜓鳥弄
桐花日魚翻穀雨萍從今畱勝會誰看畫蘭亭

陪幸西湖

元
白
哈
布
哈

北都冠蓋地西郭水雲鄉珠樹三花放鸞旗五色翔雞
翹輝鳳渚豹尾殿龍驤駕擁千官仗帆開百尺檣屬車
陪後乘清道肅前行河漢元通海湖山遠勝杭經綸屬
姚宋制作從班揚瑞繞金根動聲搖玉珮鏘春陰飛土
雨曉露挹天漿御柳枝枝綠仙葩處處香葵傾惟日向

荷偃借風張寶馬鳴沙路華舟迴石塘金吾分禁籞武
衛四屯箱小大濡深澤仁明發正陽皇皇星斗潤落落
股肱良朝野崇無逸邦家重有光賜租寬下國傳詔出
中堂布政親巡省觀民戒怠荒麥禾連野迴桑柘出林
長樂歲天顏喜回鑾月下廊

七言律

春題湖上

唐白居易

湖上春來似畫圖亂峰圍繞水平鋪松排山面千重翠

月點波心一顆珠
碧毯線頭抽
早稻青羅裙
帶展新蒲
未能拋得杭州去
一半勾留是此湖

南湖

唐
溫庭筠

湖上微風入檻涼
翻翻菱荇滿迴塘
野船著岸偎春草
水鳥帶波飛夕陽
蘆葉有聲疑霧雨
浪花無際似瀟湘
飄然蓬艇東遊客
盡日相看憶楚鄉

三堂東湖作

唐
韋莊

滿塘秋水碧澄泓
十畝菱花晚鏡清
影動新橋橫蜩蟬

岸鋪芳草睡鵝鵲蟾投夜魄當湖落岳倒秋蓮入浪生
何處最添詩客興黃昏煙雨亂蛙聲

祈雨曉過湖上

宋 歐陽脩

清晨驅馬思悠然渺渺平湖碧玉田曉日未昇先起霧
綠陰初合自生煙身閒始覺時光好春去猶餘物色妍
更待四郊甘雨足相隨簫鼓樂豐年

西湖泛舟呈運使學士張揆 歐陽脩

波光柳色碧溟濛曲渚斜橋畫舸通更遠更佳唯恐盡

漸深漸密似無窮
綺羅香裏畱佳客
絃管聲來颺晚風
半醉迴舟迷向背
樓臺高下夕陽中

西湖

宋林逋

混元神巧本無形
匠出西湖作畫屏
春水淨於僧眼碧
晚山濃似佛頭青
藥爐粉堵搖魚影
蘭杜煙叢閣鷺翎
往往鳴榔與橫笛
細風斜雨不堪聽

望太湖

宋蘇舜欽

杳杳波濤閱古今
四無邊際莫知深
潤通曉月為清露

氣入霜天作暝陰
笠澤鱸肥人膾玉
洞庭柑熟客分金
風煙觸目相招引
聊為停橈一楚吟

遊鑑湖

宋秦觀

畫舫珠簾出繚牆
天風吹到芰荷鄉
水光入座杯盤瑩
花氣侵人笑語香
翡翠側身窺綠酒
蜻蜓偷眼避紅粧
葡萄力緩單衣怯
始信湖中五月涼

次張子京遊天王湖作

宋鄭俠

湖上遲遲不忍還
談玄清徹幾重關
旋風野馬皆歸靜

逝鳥潛魚各自閒
墜果露巢秋後樹
淡煙斜日晚來山
吟情到此何終極
注目紅雲紫霧間

沈虞卿秘監招遊西湖

宋 楊萬里

蘇公堤遠柳生煙
和靖園深竹映關
船入芰荷香處去
人從雲水國中還
似寒如煖清和在
欲雨翻晴頃刻間
能為蓬萊老仙伯
一杯痛快吸湖山

西湖圖

宋 真山民

兩袖春風一丈池
等閒踏破柳橋西
雲開遠嶂碧千疊

雨過落花紅半谿青旂有情邀我醉黃鶯無恨為誰啼
東城正在桃林外多少遊人逐馬蹄

錢塘湖

元馬祖常

石橋西畔竹棚斜閒日浮舟閱歲華金鑿懸崖開佛國
玉分飛瀑過人家風杉鶴下春鳴埵雨樹猿啼暝蹋花
欲賃芟田來此住東南更望赤城霞

過洞庭湖

元歐陽玄

白沙隱隱見金鰲殿閣憑虛結構牢天水渾融浮太極

神人幽顯隔秋毫
龍堂深悶靈棲冷
象緯低垂客枕高
欲作廟堂迎送曲
杜紅蘅碧盡離騷

次韻王侍郎遊湖

元薩都拉

綺席新涼舞袖偏
賞心輸與使君專
螺杯注酒搖紅浪
綵扇題詩染綠煙
一鏡湖光開曉日
萬家花氣漲晴天
湧金門外春如海
畫舫笙歌步步仙

西湖

明王直

玉泉東匯浸平沙
八月芙蓉尚有花
曲島下通蛟女室

晴波深映梵王家常時鳬鴈聞清唳舊日魚龍識翠華
堤下連雲杭稻熟江南風物未宜誇

西湖遊覽

明田汝成

蘇堤如帶束湖心羅綺新粧照碧潯翠幕淺寒憐草色
華筵小簇占花陰凌波人渡纖纖玉促柱箏翻疊疊金
月出笙歌斂城市珠樓縹緲彩雲深

七言排律

泛太湖書事寄微之

唐白居易

煙渚雲帆處處通飄然舟似入虛空玉杯淺酌巡初匝
金管徐吹曲未終黃夾纈林寒有葉碧琉璃水淨無風
避旗飛鷺翩翩白驚鼓跳魚拔刺紅澗雪壓多松偃蹇
巖泉滴久石玲瓏書為故事畱湖上吟作新詩寄浙東
軍府威容從道盛江山氣色定知同報君一事君應羨
五宿澄波皓月中

侯郎中新置西湖

唐方干

遠近利民因智力周迴潤物像心源菰蒲縱感生成惠

鱸鮓那知廣大恩
激滌清輝吞半郭
縈紆別派入遙邨
沙泉繞石通山脈
岸水粘萍是浪痕
已見澄來連鏡底
兼知極處浸雲根
波濤不起時方泰
舟楫徐行日易昏
煙霧未應藏島嶼
鳬鷺亦解避旌幡
雖云桃葉歌還醉
却被荷花笑不言
孤鶴必應思鳳沼
凡魚豈合在龍門
能將盛事添元化
一夕機謨萬古存

五言絕句

陪侍郎叔遊洞庭醉後

唐李白

船上齊橈樂湖心泛月歸白鷗閒不去爭拂酒筵飛

陪從祖濟南太守泛鵲山湖 李白

湖闊數千里湖光搖碧山湖西正有月獨送李膺還

其二

水入北湖去舟從南浦回遙看鵲山轉却似送人來

歌湖 唐裴迪

空闊湖水廣青熒天色同艤舟一長嘯四面來清風

湖上夜飲 唐白居易

郭外迎人月湖邊醒酒風誰畱使君飲紅燭在舟中

納湖

宋朱子

詩筒連畫卷坐看復行吟想像南湖水秋來幾許深

虛湖曲

明楊慎

畱連非魚鳥溯洄豈蒹葭明月浴灝露青雲吸流霞

七言絕句

同武平一員外遊湖

唐儲光羲

朝來仙閣聽絃歌暝入花亭見綺羅池邊命酒憐風月

浦口回船惜芰荷

其二

花潭竹嶼傍幽蹊
畫楫浮空入夜谿
芰荷覆水船難進
歌舞畱人月易低

湖上閒坐

唐白居易

藤花浪拂紫茸條
菰葉風翻綠剪刀
閒弄水芳生楚思
時時合眼詠離騷

西湖戲作示同遊者

宋歐陽脩

菡萏香清畫舸浮使君寧復憶揚州都將二十四橋月
換得西湖十頃秋

橫湖

宋 蘇軾

貪看翠蓋擁紅粧不覺樓邊一夜霜卷却天機雲錦段
從教匹練寫秋光

湖上雜詠

宋 鄒浩

何處清風作晚涼解衣相與面滄浪青萍紫荇無情思
遮却琉璃萬頃光

次韻馬少伊郁舜舉寄示同遊石湖詩

宋 范成大

鏡面波光倒碧峰半湖雲錦萬芙蓉去年蕩槳香風裏
行傍石橋花正濃

十一月大霧中自胥口渡太湖 范成大

白霧漫空白浪深舟如竹葉信浮沈科頭晏起吾何敢
自有山川印此心

遊湖上

宋 陸 游

一棹無時可醉吟
一藤隨處得幽尋
先須挽取銀河水
淨洗人間塵霧心

過鑑湖

宋王十朋

誰把青銅鑄鑑湖
湖光冷浸越王都
東風二月西遊客
買得扁舟入畫圖

鑑湖

王十朋

曾中萬頃元才子
方外孤標賀季真
鑑水縈回三百里
風流何止兩唐人

洞庭湖

王十朋

江山好處未經眼
人道岳陽天下無
入筆波瀾自今闊
胸中已有洞庭湖

其二

維舟便上岳陽樓
風定波瀾萬頃秋
聞說洞庭通震澤
水應先到潁洲

夜過鑑湖

宋戴昺

推篷四望水連空
一片蒲帆正飽風
山際白雲雲際月

子規聲在白雲中

清湖春早

元方回

樓上春陰覆曉雲一河天淨碧
泫泫雨宜不驟風宜細
閒倚闌干看水紋

湖上暮歸

元趙孟頫

春陰柳絮不能飛
雨足蒲芽綠更肥
政恐前呵驚白鷺
獨騎欵段遶湖歸

魔社湖

元袁桷

甓社湖中新水清風牽行帶引帆行靈妃夜渡霓裳冷
輕折菱花翫月明

湖面

元范攄

湖面春深煖氣勻青蕪未隕已知春沙灣散駐張魚客
蘆室時驚射鴈人

石湖

明周砥

煙中白鶴獨飛還相伴孤雲盡日閒落日放船湖水上
一簾秋色看青山

登城望鴛鴦湖

明懷悅

一上高城思不羣
東風吹面洗餘醺
紅舷烏榜春湖上
多載銀箏入暮雲

御定佩文齋詠物詩選卷九十三

欽定四庫全書薈要卷一萬八千七百十六

集部

御定佩文齋詠物詩選卷九十四

川類

五言古

遊斜川

晉陶潛

開歲倏五日吾生行歸休念之動中懷及辰為茲遊氣
和天惟澄班坐依遠流弱湍馳文魴閒谷矯鳴鷗迴澤
散游目緬然睇曾丘雖微九重秀顧瞻無匹儔提壺接

賓侶引滿更獻酬未知從今去當復如此不中觴縱遙
情忘彼千載憂且極今朝樂明日非所求

伊川獨遊

宋 歐陽脩

東郊漸微綠驅馬忻獨往梅繁野渡晴泉落春山響身
閒愛物外趣遠諧心賞歸路逐樵歌落日寒川上

五言律

聞所知遊樊川

唐 鄭谷

誰無泉石趣朝下少同過貪勝覺程近愛閒經宿多片

沙留白鳥高木引青蘿醉把魚竿去殷勤藉岸莎

獨遊輞川

宋 蘇舜欽

行穿翠靄中絕磴落疎鐘數里踏亂石一川環碧峰暗
林麋養角當路虎留蹤隱逸何曾見孤吟對古松

五言絕句

伊川泛舟

宋 歐陽脩

春谿漸生溜演漾迴舟小沙禽獨避人飛去青林杪

七言絕句

題稚川山水

唐戴叔倫

松下茅亭五月涼
汀沙雲樹暗蒼蒼
行人無限秋風思
隔水青山似故鄉

御定佩文齋詠物詩選卷九十四